

deux ou trois heures de repos. Echon, luy difent-ils (c'est le nom que donnent les Hurons au Pere) tu es venu icy pour nous; nous fommes affamez, c'est à toy à nous raffasier & nous faire festin: tes discours nous donnent la vie, Dieu parle avec toy, & il nous dit au cœur ce qui fort de ta bouche.

Le Pere ayant passé quelques iours en cette folitude, fut pressé de haster son retour, craignant d'estre surpris des glaces & de l'hyuer qui commençoit, & qui en effet l'arresta en chemin, & le mit en danger de mourir & de faim & de froid, & de perir dans les lacs & riuieres qu'ils auoit à passer. Ce ne fut pas sans de bien grands reffentimens de part & d'autre, que se fit cette separation: mais le [89] Pasteur qui a vn troupeau dispersé, est obligé de ne pas s'arrester en vn lieu; il doit ses peines également à toutes ses brebis; & en de semblables rencontres, nous auons la consolation de sçauoir & de voir par effet, que Dieu qui seul est le grand maistre du troupeau, supplée en nostre absence, & que ses graces & ses lumieres ne manquent point à ceux qui entendent sa voix, qui l'ont fuiiie, & qui veulent luy estre fideles.

Je dois icy rapporter entre les prouidences de Dieu, celle qui nous a paru en l'appel à la foy, de deux Athistaëronnon, c'est vne nation de la langue Algonquine, extrêmement peuplée, que nous appellons la Nation du feu, qui iamais n'ont veu aucun European, & où iamais le nom de Dieu n'a penetré: mais il falloit qu'elle rendit hōmage à Iesus-Christ, & luy offrit quelques premices de ce que nous esperons qu'elle fera vn iour, toute Chrestienne. Dieu seul en con-